

Pwyllgor	Pwyllgor Craffu Cymunedau
Dyddiad	4 Ebrill 2019
Teitl	Canllaw Cynllunio Atodol: Cynnal a chreu cymunedau nodedig a chynaliadwy (drafft ôl ymgynghoriad cyhoeddus)
Aelod Cabinet	Cynghorydd Dafydd Meurig
Awdur	Gareth Jones – Uwch Reolwr Cynllunio a Gwarchod y Cyhoedd
Pwrpas	<p>(A) I graffu:</p> <ul style="list-style-type: none"> y broses i baratoi'r Canllaw Cynllunio Atodol: Cynnal a chreu cymunedau nodedig a chynaliadwy (drafft ôl ymgynghoriad cyhoeddus), sut cafodd yr ymatebion a dderbyniwyd yn ystod y cyfnod ymgynghori cyhoeddus eu trin, a <p>(B) Chynnig adborth cyn i'r Canllaw gael ei ystyried gan y Pwyllgor Polisi Cynllunio ar y Cyd</p>

1 Cefndir


- 1.1 Pwrpas yr adroddiad hwn ydi codi ymwybyddiaeth Aelodau'r Pwyllgor Craffu o ddatblygiad y Canllaw Cynllunio Atodol: Cynnal a chreu cymunedau nodedig a chynaliadwy cyn i'r Pwyllgor Polisi Cynllunio ar y Cyd benderfynu ynglŷn â'i addasrwydd i'w fabwysiadu yn ei gyfarfod ar 23 Mai 2019. Bydd Pwyllgor Sgriwtini Partneriaeth ac Adfywio (Cyngor Sir Ynys Môn) yn ei graffu ar 9 Ebrill 2019.
- 1.2 Mae'r Canllaw wedi cael ei rannu i 3 Adran. Mae Adran 2 (a'r mwyafrif o'r Atodiadau yn y Canllaw) yn ymdrin yn benodol gyda sut i gymhwyso Polisi PS 1 Yr iaith Gymraeg a'r diwylliant Cymreig. Mae'r elfen hwn o'r Canllaw yn destun rhan A o friff a roddwyd i Weithgor Craffu i ymgymryd ag Ymchwiliad Craffu – cynllunio a'r iaith Gymraeg. Oherwydd hyn, mae'r adroddiad hwn yn canolbwyntio ar Adran 2 o'r Canllaw a'r Atodiadau.
- 1.3 Mae'r Gweithgor a sefydlwyd ar gyfer yr Ymchwiliad Craffu a gyfeirir ato ym Mharagraff 1.2 wedi cyflwyno diweddariadau ac argymhellion i'r Pwyllgor Craffu hwn ar adegau penodol yn ystod yr Ymchwiliad Craffu. Fe gyflwynodd y Pwyllgor Craffu hwn nifer o argymhellion i'r Pwyllgor Polisi Cynllunio ar y Cyd i'w hystyried cyn cyhoeddi'r Canllaw ar gyfer ymgynghoriad cyhoeddus.
- 1.4 Gellir gweld y Canllaw cyfan ar ei ffurf drafft cyntaf ôl ymgynghoriad cyhoeddus yn **Atodiad 1**.
- 1.5 Pan gaiff ei fabwysiadu bydd y Canllaw'n disodli'r canllawiau cyfredol am gynllunio a'r iaith Gymraeg a gafodd eu mabwysiadu gan y ddau Gyngor i gefnogi'r hen gynlluniau datblygu, sef Cynllun Datblygu Unedol Gwynedd (yn achos ardal Awdurdod Cynllunio Gwynedd). Pan gaiff ei fabwysiadu bydd yn ystyriaeth gynllunio perthnasol.

2 Pwrpas Canllaw Cynllunio Atodol

- 2.1 Gall Canllawiau Cynllunio Atodol dim ond ymdrin â darparu rhagor o wybodaeth neu fanylion ynghylch polisiau neu gynigion a nodir yn y Cynllun Datblygu Lleol.
- 2.2 Ni all Canllawiau newid polisi neu gynigion a nodir yn y Cynllun Datblygu Lleol ac ni ellir cyflwyno polisiau newydd trwy Ganllawiau Cynllunio Atodol.

3 Statws Canllaw Cynllunio Atodol

- 3.1 Gall Canllaw fod yn ‘ystyriaeth cynllunio perthnasol’ ddylid rhoi sylw iddo ochr yn ochr â'r polisiau mae'n gefnogi yn y cynllun datblygu lleol pan fydd gweithredoedd penodol wedi digwydd. Mae Ffigur 1 isod yn rhoi ciplun o'r gweithredoedd sy'n angenrheidiol i Ganllaw gael statws ‘ystyriaeth cynllunio perthnasol’.




4 Stori paratoi Canllaw Cynllunio Atodol: Cynnal a chreu cymunedau nodedig a chynaliadwy

- 4.1 Mae'r siart lif ar y dudalen nesaf yn rhoi ciplun o'r broses i baratoi'r Canllaw hyd yma. Mae'r rhes uchaf yn rhoi'r amserlen. Mae'r ail res yn cofnodi'r gweithgareddau, tra mae'r rhes isaf yn cofnodi pwy sydd wedi cyfrannu i'r broses, gan gynnwys y Gweithgor Craffu a'r Pwyllgor Craffu Cymunedau.

Medi 2017 - Chwefror 2018	Ionawr & Chwefror 2018	Mawrth - Ebrill 2018	Gorffennaf 2018	Hydref – Tachwedd 2018	Rhagfyr 2018 – Ionawr 2019	Chwefor - Mawrth 2019	Ebrill 2019	Mai 2019
------------------------------	---------------------------	-------------------------	--------------------	------------------------------	-------------------------------------	--------------------------	--------------------	----------

PROSES PARATOI CANLLAW CYNLLUNIO ATODOL: CYNNAL A CHREU CYMUNEDAU NODEDIG A CHYNALIADWY



- 4.2 Bydd y Pwyllgor Craffu'n cofio bod y Gweithgor Craffu wedi cyflwyno'i [prif ganfyddiadau cychwynnol](#) iddo ar 22 Chwefror 2018, ac ei fod wedi cyflwyno [cyfres o argymhellion](#) iddo ar 19 Ebrill 2018. Bydd y Pwyllgor Craffu yn cofio'i fod wedi cefnogi'r argymhellion hynny. Cafodd y canfyddiadau a'r argymhellion eu hystyried gan yr Uned Polisi Cynllunio ar y Cyd, Panel Cynllun Datblygu Lleol ar y Cyd a'r Pwyllgor Polisi Cynllunio ar y Cyd (yn ôl y galw).
- 4.3 Mae Tabl 1 a Thabl 2 isod yn cofnodi'r canfyddiadau a'r argymhellion a wnaethpwyd ar y pryd ac yn cynnig amlinelliad o sut wnaeth y Canllaw Cynllunio Atodol drafft ymgynghorol a threfniadau cysylltiedig eu cyfarch. Maent yn cynnig amlinelliad hefyd pam nad oedd yn briodol i gyfarch rhai ohonynt yn unol â disgwyliadau'r Pwyllgor Craffu. Gellir gweld rhesymau llawn a phenderfyniad y Pwyllgor Polisi Cynllunio ar y Cyd ar [raglen y Pwyllgor Polisi Cynllunio ar y Cyd ym mis Ebrill 2018](#) a'r [cofnodion o'r cyfarfod hwnnw](#).

Tabl 1 – Trosolwg o'r ymateb i'r canfyddiadau cychwynnol a gyflwynwyd ym mis Chwefror 2018

Pwyllgor Craffu Cymunedau 22 Chwefror 2018 – canfyddiadau cychwynnol y Gweithgor Craffu	Trosolwg o sut cafodd y canfyddiadau cychwynnol eu hystyried
Mae angen datganiad clir bod angen i'r Datblygwyr fynd i ymgynghoriad cyhoeddus ar bob datblygiad 10 neu fwy o dai mewn ardal drefol a 5 neu fwy o dai mewn ardal bentrefol/wledig.	Deddf Cynllunio (Cymru) 2015 sy'n penderfynu pryd mae angen i ymgeisydd gynnal ymgynghoriad cyhoeddus am ddatblygiad arfaethedig. Ni fyddai dymuniadau'r Gweithgor yn gyson â'r Ddeddf hwn. Felly, ni ellir cynnwys y datganiad yn y Canllaw.
Mae angen nodi bod angen cynnal Asesiad Effaith Iaith Gymraeg ar bob datblygiad sy'n mynd i ymgynghoriad cyhoeddus.	Gweler yr ymateb uchod. Yn ogystal â hynny, Polisi PS 1 y Cynllun sy'n pennu pryd fydd angen cyflwyno Datganiad Iaith Gymraeg a phryd fydd angen cyflwyno adroddiad am Asesiad Effaith Iaith Gymraeg gyda cheisiadau cynllunio.
Mae'r Aelodau'n bryderus ynglŷn â ieithwedd a diwyg y ddogfen ymgynghorol drafft. Mae'n anodd gweld sut bod disgwyl i'r cyhoedd ddeall y ddogfen ar ei ffurf bresennol a chyfrannu'n ystyrlon i'r ymgynghoriad	Prif bwrpas y Canllaw ydi cynorthwyo ymgeiswyr a'u hasiantwyr wrth baratoi cynigion datblygu. Nid yw'n ddogfen ar gyfer y cyhoedd yn gyffredinol. Er hynny, cafodd cynnwys y Canllaw ei newid trwy gynnwys mwy o siartiau a diagramau er mwyn gallu cyfleu'r negeseuon mewn dull mwy gweladwy.
Mae angen manylion clir am fethodoleg cynnal Asesiad Effaith Iaith. Mae hyn yn elfen hanfodol o'r Asesiad. Dylid cynnwys manylion llawn am y fethodoleg yn yr Ymgynghoriad.	Cytuno bod hynny'n bwysig. Ystyriwyd bod Atodiad 7 ac Atodiad 8 yn cynnwys arweiniad manwl ynghylch y gofynion sy'n gysylltiedig â chynnal y ddau fath o asesiadau.

Pwyllgor Craffu Cymunedau 22 Chwefror 2018 – canfyddiadau cychwynnol y Gweithgor Craffu	Trosolwg o sut cafodd y canfyddiadau cychwynnol eu hystyried
Yn yr un modd mae amwysedd yn y disgrifiadau o Ddatganiad Iaith Gymraeg, a pherthnasedd y camau lliniaru.	Ystyriwyd bod Atodiad 7 yn cynnwys arweiniad manwl ynghylch gofynion sy'n gysylltiedig â chynnal asesiad a fyddai angen cyflwyno'i gasgliadau mewn Datganiad Iaith Gymraeg.
Mae angen disgrifiad cliriach o'r hyn sy'n ddisgwyliedig o arbenigwr ieithyddol o safbwynt y Cyngor ac unigolion neu sefydliadau allanol a'u rôl.	Mae Diagram 6 a Diagram 7 yn y Canllaw yn dweud beth ydi rôl yr asesydd cymwys a gaiff ei benodi gan yr ymgeisydd. Mae Atodiadau 7 ac 8 yn cyfeirio at unigolion a sefydliadau allanol fel rhai i ymgysylltu/ ymgynghori â hwy yn y cyfnod cyn cyflwyno cais cynllunio. Mae Diagram 4 yn cyfeirio at yr ymgynghoriad cyhoeddus statudol cyn cyflwyno cais cynllunio a fydd rhaid i ymgeiswyr am ddatblygiad 'mawr' ei wneud. Rhoddir dolen i ddogfen arfer da a gyhoeddwyd gan Lywodraeth Cymru sy'n egluro beth ydi rôl sefydliadau allanol yn y broses hwnnw.

Tabl 2 – Trosolwg o'r ymatebion i'r argymhellion a gyflwynwyd ym mis Ebrill 2018

	Pwyllgor Craffu Cymunedau 19 Ebrill 2018 – argymhellion y Gweithgor Craffu a gafodd eu cymeradwyo gan y Pwyllgor Craffu	Trosolwg o sut cawsant eu hystyried
1a	Bod angen datganiad clir yn y Canllaw bod angen i'r datblygwr fynd i ymgynghoriad cyhoeddus ar bob datblygiad 10 neu fwy o dai mewn ardal drefol a 5 neu fwy o dai mewn ardal bentrefol/wledig.	<p>Byddai'n anghyfreithlon i gynnwys y datganiad hwn yn y Canllaw.</p> <p>Deddf Cynllunio (Cymru) 2015 sy'n penderfynu pryd mae angen i ymgeisydd gynnal ymgynghoriad cyhoeddus am ddatblygiad arfaethedig. O dan y Ddeddf, bydd angen i ymgeiswyr am 'ddatblygiad mawr' ymgynghori'n statudol cyn gwneud cais. Rhoddir y diffiniad o ddatblygiad mawr yn Erthygl 2 o Orchymyn Cynllunio Gwlad a Thref (Gweithdrefn Rheoli Datblygu) (Cymru) 2012 (DMPWO). Yn fyr, datblygiad mawr yw:</p> <ul style="list-style-type: none"> • Datblygiadau o 10 neu fwy o dai lle mae arwynebedd y safle'n 0.5 ha neu fwy (os nad yw nifer y tai'n hysbys); • Darparu adeilad(au) lle mae arwynebedd y llawr yn fwy na 1,000 metr sgwâr; • Tyllu a gweithio mwynau neu ddefnyddio tir i storio dyddodion tyllu mwynau; • Datblygiad gwastraff; a • Datblygiad ar safle o 1 ha neu fwy.

	Pwyllgor Craffu Cymunedau 19 Ebrill 2018 – argymhellion y Gweithgor Craffu a gafodd eu cymeradwyo gan y Pwyllgor Craffu	Trosolwg o sut cawsant eu hystyried
		<p>Er hynny, cytunir bod ymgysylltu ac ymgynghori â'r cymunedau a budd-ddeiliaid amrywiol eraill yn bwysig wrth ystyried datblygiad arfaethedig yn y cyfnod cyn cyflwyno cais cynllunio ac ar ôl cyflwyno'r cais cynllunio. Mae Diagram 5, Atodiad 7 ac Atodiad 8 yn nodi disgwyliadau'r Awdurdodau am ymgysylltu ac ymgynghori yn ystod y cam cyn cyflwyno cais cynllunio.</p> <p>Gweler 1b hefyd.</p>
1b	Bod angen nodi'n glir yn y Canllaw bod angen i'r Datblygwr gyflwyno Datganiad Iaith Gymraeg ac Asesiad Effaith Iaith Gymraeg ar gyfer pob datblygiad sy'n mynd i ymgynghoriad cyhoeddus.	<p>Byddai'n anghyfreithlon i gynnwys y datganiad hwn yn y Canllaw. Polisi PS 1 y Cynllun sy'n pennu pryd fydd angen cyflwyno Datganiad Iaith Gymraeg a phryd fydd angen cyflwyno adroddiad am Asesiad Effaith Iaith Gymraeg gyda cheisiadau cynllunio.</p> <p>Pan mae angen ymgymryd ag asesiad o effaith datblygiad ar yr iaith Gymraeg a chynnal ymgynghoriad cyhoeddus statudol cyn cyflwyno cais cynllunio (yn unol â gofynion y Ddeddf), mae'r Canllaw Cynllunio Atodol yn nodi'n glir disgwylir i'r Datganiad Iaith Gymraeg ac Asesiad Effaith Iaith Gymraeg gael eu cyhoeddi fel rhan o'r pecyn dogfennau – Diagram 5, Atodiad 7 ac Atodiad 8.</p> <p>Yn ychwanegol, penderfynodd y Pwyllgor Polisi Cynllunio ar y Cyd i awdurdodi Uwch Swyddogion perthnasol ar ran Gwasanaethau Cynllunio'r ddau Awdurdod i ysgrifennu i Lywodraeth Cymru i holi am hawliau i newid polisi mewn cynllun datblygu lleol a hawliau i newid y trothwy i osod gofyniad i gynnal ymgynghoriad cyhoeddus cyn cyflwyno cais cynllunio ar gyfer 5 tŷ mewn pentrefi a chefn gwlad yn lle 10 tŷ.</p> <p>Derbyniwyd ymateb gan Lywodraeth Cymru a oedd yn cadarnhau safbwynt y Pwyllgor Polisi Cynllunio ar y Cyd.</p>
2	Bod Aelodau'r Panel yn derbyn cyngor ac arweiniad gan arbenigwyr annibynnol ym maes Cynllunio Ieithyddol wrth baratoi'r	Penderfynodd y Pwyllgor Polisi Cynllunio ar y Cyd i Awdurdodi Uwch Swyddogion perthnasol ar ran Gwasanaethau Cynllunio'r ddau Awdurdod i gomisiynu arbenigwyr allanol cymwys i ymgymryd â

	Pwyllgor Craffu Cymunedau 19 Ebrill 2018 – argymhellion y Gweithgor Craffu a gafodd eu cymeradwyo gan y Pwyllgor Craffu	Trosolwg o sut cawsant eu hystyried
	Canllaw Cynllunio Atodol newydd a chyn ymgynghori ar y Canllaw drafft newydd.	gwerthusiad beirniadol o'r Canllaw Cynllunio Atodol: cynnal a chreu cymunedau nodedig a chynaliadwy, ac yn benodol Adran 2 o'r Canllaw hwnnw. Penodwyd Cwmni Iaith a Chwmni Burum i weithio mewn partneriaeth i ymgymryd â gwerthusiad beirniadol o'r Canllaw Cynllunio Atodol drafft ymgynghorol cyntaf. Derbyniwyd argymhellion y cwmnïau ac mae'r Canllaw Cynllunio Atodol drafft ymgynghorol, sy'n ymgorffori newidiadau a gafodd eu hargymell gan y cwmnïau, wedi cael ei gymeradwyo ar gyfer ymgynghoriad cyhoeddus.
3	Bod Aelodau'r Panel yn derbyn cyngor ac arweiniad gan arbenigwyr annibynnol ym maes Ymchwil a Dadansoddeg wrth baratoi'r Canllaw Cynllunio Atodol newydd a chyn ymgynghori ar y Canllaw drafft newydd.	Nid oedd angen arweiniad gan arbenigwyr annibynnol ym maes ymchwil a dadansoddeg i gwblhau'r gwaith o baratoi'r Canllaw cyn ymgynghoriad cyhoeddus amdano.
4	Bod Aelodau'r Panel yn derbyn cyngor ac arweiniad gan arbenigwyr annibynnol ym maes Ymgysylltu ac Ymgynghori wrth baratoi'r Canllaw Cynllunio Atodol newydd a chyn ymgynghori ar y Canllaw drafft newydd.	Nid oedd angen arweiniad gan arbenigwyr annibynnol ym maes ymgysylltu ac ymgynghori i gwblhau'r gwaith o baratoi'r Canllaw cyn ymgynghoriad cyhoeddus amdano.
5	Bod Aelodau'r Panel yn gofyn am ymestyn yr Amserlen os oes angen er mwyn cyflawni gwaith o'r safon uchaf posibl.	Cafodd yr amserlen i baratoi'r Canllaw Cynllunio Atodol wedi cael ei ymestyn er mwyn ymgymryd â gwerthusiad beirniadol a pharatoi adroddiad am yr ymgynghoriad cyhoeddus i'r Pwyllgor Craffu Cymunedau yn ystod 2019.

- 4.4 Cyflwynodd y Gweithgor adroddiad ychwanegol i'r Pwyllgor Polisi Cynllunio ar y cyd ym mis Tachwedd 2018 ar ôl iddo gael cyfle i graffu'r Canllaw drafft diwygiedig (a oedd yn ymgorffori newidiadau a gafodd eu hargymell gan Gwmni Iaith Cyf a Gwasanaethau Ymgynghorol Burum). Gellir gweld yr adroddiad hwnnw ar wefan y [Pwyllgor Polisi Cynllunio ar y Cyd](#). Gellir gweld ymateb y Pwyllgor yn y [cofnodion](#).
- 4.5 Mae sylwadau'r Gweithgor Craffu a'r Pwyllgor Craffu wedi bod yn rhan werthfawr o'r broses o ddatblygu'r fersiwn drafft ymgynghorol o'r Canllaw Cynllunio Atodol. Rydym wedi cymryd i ystyriaeth pob pwynt wnaed gan y Gweithgor/ Pwyllgor wrth baratoi'r Canllaw fel adlewyrchir yn y tablau uchod. Gobeithio bod hynny'n glir yn yr uchod. Mae'r gwaith wedi bod yn llafurus

iawn ac mae'n deg dweud bod yr Uned Polisi Cynllunio ar y Cyd wedi dysgu cryn dipyn drwy'r broses.

5 Yr ymgynghoriad cyhoeddus am y Canllaw Cynllunio Atodol

- 5.1 Ar ôl cael cefnogaeth y Pwyllgor Polisi Cynllunio ar y Cyd, cyhoeddwyd y Canllaw Cynllunio Atodol ar gyfer ymgynghoriad cyhoeddus yn unol â'r cynllun ymgynghoriad cyhoeddus. Derbyniwyd 88 o sylwadau oddi wrth 8 sylwebydd. Mae **Atodiad 2** yn cynnwys Adroddiad am yr Ymgynghoriad Cyhoeddus. Ceir cofnod o'r trefniadau ymgynghori cyhoeddus, a oedd yn cynnwys rhoi cyfle i gynghorau cymuned, tref a dinas, a mudiadau a chyrrff arbenigol i fynegi barn ffurfiol am gynnwys y Canllaw. Mae tabl yn yr Adroddiad am yr Ymgynghoriad Cyhoeddus yn cofnodi'r sylwadau a dderbyniwyd, ynghyd ag ymateb swyddogion i'r sylwadau. Mae'n adnabod newidiadau sy'n angenrheidiol i ymateb i sylwadau perthnasol. Cafwyd barn Cwmni Iaith Cyf a Gwasanaethau Ymgynghorol Burum yn ystod y broses ystyried y sylwadau.
- 5.2 Mae'r sylwadau a dderbyniwyd yn ystod y cyfnod ymgynghori cyhoeddus yn werthfawr a gobeithir bod hynny'n glir yn yr Adroddiad am yr Ymgynghoriad Cyhoeddus. Argymhellir gwneud nifer o newidiadau i'r Canllaw i gwrdd â materion a godwyd yn rhai o'r sylwadau a dderbyniwyd.

6 Polisi Cynllunio Cymru Argraffiad 10 (Rhagfyr 2018)

- 6.1 Ers y penderfyniad i ymgynghori am y Canllaw drafft ymgynghorol cyhoeddwyd Argraffiad 10 o Bolisi Cynllunio Cymru. O'i gymharu gydag Argraffiad 9, mae'r ddogfen wedi cael ei hailstrwythuro yn ôl themâu polisi o amgylch y nodau llesiant, ac fe diweddarwyd y polisi cynllunio cenedlaethol i adlewyrchu strategaethau a pholisïau newydd Llywodraeth Cymru Nodir pedwar prif bennawd thematig, ac mae amrywiaeth o feysydd pwnc oddi mewn iddynt. Dyma'r penawdau thematig: Creu lle, Lleuedd Actif a Chymdeithasol, Lleuedd Cynhyrchiol a Mentrus, Lleuedd Trawiadol a Naturiol. Gwelir bod polisi cynllunio cenedlaethol yn canolbwyntio ar y dull creu lleuedd.
- 6.2 'Rydym wedi cymryd y cyfle i ddiweddarau'r rhannau perthnasol o'r Canllaw a oedd yn cyfeirio at Polisi Cynllunio Cymru Argraffiad 9 i gofnodi cyhoeddiad Argraffiad 10.
- 6.3 Rhan 3.25 – 3.29 o Bolisi Cynllunio Cymru sy'n rhoi'r arweiniad polisi cenedlaethol am y Gymraeg a chreu lleuedd. Mae **Atodiad 3** yn cynnwys copi o'r rhan hwnnw o Bolisi Cynllunio Cymru. Noder bod y testun yn y paragraffau hyn yn parhau (fel a welwyd yn Argraffiad 9) i ailadrodd gofynion Adran 62 o Ddeddf Cynllunio a Phryniant Gofodol 2004 (fel y'i diwygiwyd gan Ddeddf Cynllunio – Cymru - 2015) ac Adran 70(2) o Ddeddf Cynllunio Gwlad a Thref 1990. Mae'r Adrannau hynny o ddeddfwriaeth yn ymwneud â pharatoi cynlluniau datblygu lleol a gwneud penderfyniadau ar geisiadau cynllunio perthnasol mewn ffordd sy'n rhoi ystyriaeth i effeithiau tebygol cynlluniau datblygu lleol/ penderfyniadau am ddatblygiadau arfaethedig ar y defnydd o'r Gymraeg. Nid oes newid wedi bod felly rhwng safbwynt Llywodraeth Cymru am rôl y system gynllunio i hyrwyddo'r amodau sy'n hanfodol i'r Gymraeg rhwng Argraffiad 9 ac Argraffiad 10.
- 6.4 Cafodd y Cynllun ei baratoi yn unol â gofynion Adrannau 61 a 62 o deddfwriaeth Ddeddf Cynllunio a Phryniant Gofodol 2004 (fel y'i diwygiwyd gan Ddeddf Cynllunio – Cymru - 2015). Felly, nid oes anghytgord rhwng Argraffiad 10 o Bolisi Cynllunio Cymru a'r Cynllun Datblygu Lleol ar y Cyd.

- 6.5 Mae'r Cynllun yn adnabod ardal y Cynllun gyfan fel rhywle sy'n bwysig i'r iaith Gymraeg. Yn unol ag Adran 70(2) o Ddeddf Cynllunio Gwlad a Thref 1990, mae Polisi PS 5 a Pholisi PS 1 yn y Cynllun yn sicrhau bydd y sawl sy'n paratoi ceisiadau cynllunio a'r rhai sy'n gwneud penderfyniad am geisiadau cynllunio yn rhoi ystyriaeth i effeithiau tebygol datblygiad arfaethedig ar ddefnyddio'r Gymraeg yn ardal y Cynllun. Felly, nid oes anghyngord rhwng Argraffiad 10 o Bolisi Cynllunio Cymru a'r Cynllun Datblygu Lleol ar y Cyd.
- 6.6 Er mwyn sicrhau bod y Polisiâu a enwir uchod yn cael eu gweithredu mewn ffordd cyson a thryloyw, mae'r CCA yn rhoi arweiniad am pryd a sut i gyflwyno tystiolaeth i ddangos bod ystyriaethau'n ymwneud â'r defnydd o'r Gymraeg wedi cael sylw gan ymgeiswyr am ganiatâd cynllunio. Mae'n dilyn bod hynny'n galluogi'r sawl sy'n gwneud penderfyniad am gais cynllunio yn gwneud penderfyniad ar sail gwybodaeth berthnasol. O gofio mai unig rôl y CCA ydi darparu cyngor am bolisi cynllunio lleol, mae'n dilyn nad oes dim anghyngord rhwng polisi cenedlaethol a'r Canllaw.

7 Sefyllfa gyfredol – y Canllaw Cynllunio Atodol drafft ôl ymgynghori

- 7.1 Fel nodwyd ym mharagraff 1.4 uchod, mae **Atodiad 1** yn cynnwys copi o'r Canllaw cyfan, gan gynnwys y mwyafrif o'r newidiadau sy'n cael eu nodi yng ngholofn olaf y tabl sy'n **Atodiad 2** mewn ymateb i nifer o'r sylwadau a dderbyniwyd yn ystod y cyfnod ymgynghori cyhoeddus. Mae'r newidiadau yn bennaf yn golygu gwella llif y ddogfen a gwella eglurder, e.e. trwy gysoni negeseuon am bwrpas asesiadau, bod yn gliriach am gymwysterau asesydd, bod yn gliriach am bamedrau'r sawl a fydd yn gwerthuso'r asesiadau, ayb. Bydd angen ymgymryd â rhai newidiadau ychwanegol i gwblhau'r gwaith i ymgorffori'r holl newidiadau a nodir yn Atodiad 2, e.e. prawf ddarllen, croesgyfeirio at dudalennau unigol o fewn y ddogfen, ayb.
- 7.2 Bydd y Pwyllgor Craffu'n gweld bod y Canllaw wedi cael ei ddatblygu dros gyfnod o amser a bod ei gynnwys fel a welir yn **Atodiad 1** wedi cael ei ddylanwadu gan swyddogion amrywiol, cynghorwyr, werthusiad beirniadol gan arbenigwyr allanol a gan adborth a gafwyd gan sylwebyddion amrywiol wnaeth gymryd rhan yn yr ymgynghoriad cyhoeddus.

8 Camau nesaf a'r amserlen

- 8.1 Mae'r tabl nesaf yn cofnodi'r camau nesaf a'r amserlen ar gyfer eu cyflawni:

Gweithred	Pryd?
Pwyllgor Sgriwtini Partneriaeth ac Adfywio Cyngor Sir Ynys Mon – craffu	9 Ebrill 2019
Pwyllgor Polisi Cynllunio ar y Cyd – ystyried: <ul style="list-style-type: none"> i. Sylwadau'r Pwyllgor Craffu Cymunedau a'r Pwyllgor Sgriwtini Partneriaeth ac Adfywio; ii. adborth a gafwyd yn ystod y cyfnod ymgynghori cyhoeddus; iii. copi drafft terfynol o'r Canllaw Cynllunio Atodol er mwyn penderfynu os ydi'r Canllaw yn addas i'w fabwysiadu (ac felly disodli'r Canllawiau Cynllunio Atodol sy'n bodoli am y pwnc hwn). 	23 Mai 2019

Defnyddio'r Canllaw mabwysiedig fel ystyriaeth cynllunio berthnasol	24 Mai 2019 ymlaen
Gwneud trefniadau i godi ymwybyddiaeth am y Canllaw hwn i'r ddau Bwyllgor Cynllunio, swyddogion amrywiol yn y ddau Gyngor, a chwmnïau ac unigolion sy'n rhoi cyngor i ymgeiswyr am ganiatâd cynllunio	Haf – Hydref 2019

9 Argymhelliad

- 9.1 Derbyn yr adroddiad ac ystyried sut cafodd y Canllaw Cynllunio Atodol: Cynnal a chreu cymunedau nodedig a chynaliadwy a gyflwynwyd yn Atodiad 1 ei baratoi;
- 9.2 Penderfynu os oes unrhyw sylwadau i gyflwyno i'r Pwyllgor Polisi Cynllunio ar y Cyd.

Atodiad 1 Canllaw Cynllunio Atodol: Cynnal a chreu cymunedau nodedig a chynaliadwy (drafft cychwynnol ôl ymgynghoriad cyhoeddus)

Atodiad 2 Adroddiad am yr Ymgynghoriad Cyhoeddus.

Atodiad 3 Detholiad o Bolisi Cynllunio Cymru (Argraffiad 10).